



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

VIII. Albrecht, Markgraf von Brandenburg resignirt dem Erzbischof von Magdeburg zu Gunsten des Nicolai Stiftes in Magdeburg die Vogtei in Zernitz und Badewitz, im Jahre 1217.

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

VII. Bischof Siegfried von Brandenburg und sein Capitel bestätigen dem Kloster Zehn die Zehnten in Brifcer, Zwine, Radele, Göritz und allen seinen Besizungen und schenken demselben die Zehnthebung von 210 Hufen Landes bei Hangelsberg, am 2. Februar 1217.

In nomine sancte et indiuidue trinitatis. Ego Sifridus, dei gratia Brandenburgensis ecclesie Episcopus. Quelibet karitatis opera ita prouide et legitime fieri debere decernuntur, ut ex ipsis quantum caueri potest nulli occasio detur offensionis et locus calumpniandi. Omnis quippe largitio tanto est deo et locis et personis, quibus confertur, acceptior, quanto ex omni parte rationabili conferendi modo sit firmior. Huius igitur rationis formam attendentes, notum facimus vniuersis tam futuris quam presentibus cristi fidelibus, quod nos ob diuine remunerationis emolumentum dilectis fratribus nostris in lenin villarum eidem loco pertinentium Decimationes iuri Episcopali attinentes de consensu Aluerici, prepositi, ac tocius Ecclesie nostre Capitulj celebri ac libera donatione in perpetuos vsus assignauimus. Ex quibus decimis, vt plenior habeatur Noticia, Nomina villarum, quibus adiacent, propriis duximus exprimenda vocabulis: Prescele, quod antiquo nomine dicitur Teskendorp, Zuine, Radele, Goriz, Michelstorp, Naumiz, Damelanc, Welcnewode, Detitz, Gotiz, tertia parte mansorum eiusdem excepta, Wachowe preter terciam decimarum partem eiusdem ville, que tertia pars decimarum cum duobus mansis integraliter ratione parochie in Goliz est Ecclesie Brandenburgensis. Preterea supradictis fratribus CC^{orum} et decem mansorum Decimas iuxta montem, qui dicitur hangendenberge, Insuper et ipsius loci, in quo situm est monasterium, contulimus, Uinearum quoque et molendinorum cum vniuersis attinentiis. Ut igitur hec assignatio, sepe dictis fratribus facta interneniente fraternitatis affectu ac karitatis, qua tenemur ad exhibendum tam pro uiuis quam defunctis vtriusque ecclesie fratribus plenum orationum obsequium, rata et in conuulsa in futuro permaneat, totam hanc seriem huic pagine annotatam sigilli nostri munimine Roborauimus. Ne quis ergo factum nostrum temere infringere presumat, Auctoritate dei omnipotentis et beatorum Apostolorum Petri et Pauli et nostra sub interminatione Anatematis prohibemus. Testes sunt Aluericus, prepositus, Henricus, prjor, Henricus de Smergowe, Gernotus, Cantor, Thomas, custos, Henricus, sancti Godehardi Parrochianus, Henricus, cellerarius, Theodericus de Jnfula, Canonici Brandenburgenses. Actum in Ecclesia nostra Brandenburgensi, Anno domini M^o CC^o XVII^o III^o Nonas Februarii Indictione V^a, Pontificatus nostri anno I^o.

Nach dem vom Capitel, dem Bischofe und dem Dompropste besiegelten Orig. der R. Universitäts-Bibliothek in Berlin. Bgl. B. X, S. 193, 3 dieses Haupttheiles.

VIII. Albrecht, Markgraf von Brandenburg resignirt dem Erzbischof von Magdeburg zu Gunsten des Nicolai Stiftes in Magdeburg die Vogtei in Zernitz und Badewitz, im Jahre 1217.

In nomine sancte et indiuidue Trinitatis. Albertus, dei gracia Marchio Brandenburgensis. Cum ea solum, que diuinis indulgemus cultibus, post huius vite decursum nobis

fuffragari debeant, necesse est, ut, si quid boni quodocunque inchoauerimus, summo studio caueamus, Ne malorum in posterum ingenio retractetur. Notum itaque esse uolumus tam futuri, quam presentis temporis fidelibus, quod nos pro remedio peccatorum nostrorum aduocaciam nostram in duabus villis Cerniz et Dodewitz vsibus Canonicorum Ecclesie beati Nicolai in Magdeburgh attinentibus, quam legitime possedimus, In manus domini nostri archiepiscopi alberti, de quibus eandem tenuimus, ad vtilitatem et commodum eiusdem Ecclesie resignauimus, Nichil nobis racione aduocacie in eisdem villis iuris et domini referuantes, sed solam super hoc diuinam retribucionem fiducialiter exspectantes. Vt autem hoc factum nostrum ratum teneatur et inconuulsum, presentem paginam, que huius certum maneat indicium, inde conscribi iussimus et sigillo nostro communiri. Testes, qui presentes adherant, statuentes apponi, Quorum nomina hec sunt: wernerus, vicedominus Magdeburgensis, Otto, Ecclesie beati Nicolai Canonicus, Gerbertus, Ecclesie beati sebastiani Canonicus Magdeburgensis, Ludolfus, pincerna de gudenburch, Johannes, dapifer de Jericho, Sifridus de liezeke Et alii quam plures; acta sunt hec anno dominice Incarnacionis M^o CC^o XVII^o Indictione quinta.

Aus einem auf Pergamentblättern, dem größeren Theile nach im 15. Säculum niedergeschriebenen Copiarium (No. 58) des Stifts Nicolai in Magdeburg f. 17.

IX. Gernand, Bischof von Brandenburg, confirmirt dem Dechanten des Nicolai-Stiftes in Magdeburg den Besitz des Patronats in Waltersdorf, am 1. März 1224.

In nomine sancte et indiuidue trinitatis. Gernandus, dei gracia Brandenburgensis Episcopus. Et si, quantum in nobis est, Ecclesiarum omnium bono statui teneamur intendere, quorundam tamen profectui tenemur specialiter imminere; vnde cum causas non incognitas habeamus tam preteritas, quam presentes, ex quibus Ecclesie beati Nycolai Magdeburgensis intime karitatis existimus et gracie debitores, ipsius non inmerito promocioni tenemur intendere et quibuslibet eius periculis, vbi possumus, obuiare. Cum ergo reuerendus nobis in christo pater et dominus noster, albertus, magdeburgensis archiepiscopus, olim, cum teneremus Magdeburgh ecclesie decanatum, ecclesiam parrochiam de walterstorp et eius filiam in carbeliz, brandenburgensis dyocesis, per commutationem ecclesie parrochialis sancti Nicolai in domesleue, que ad supradictam Ecclesiam beati Nicolai pertinuisse dinoscitur, quemadmodum in ipsius priuilegiis est expressum, de nostro et maioris prepositi et aliorum Canonicorum magdeburgensis ecclesie consensu tradiderit et donauerit cum omni plenitudine iuris sui, Nos donationem ipsam auctoritate ordinaria confirmamus Ratum habentes nichilominus, quod decanus Ecclesie beati Nicolai, qui pro tempore fuerit, nomine et iure capituli sui, cui ius patronatus collatum est, habeat ius presentandi personam in illius ecclesie ministerium deputandam, que subscriptis redditibus sit contenda (sic!), tota videlicet decimali in pokeriz et in walterstorp vno manso et oblationibus fidelium vniuersis. De reliquis autem reddituum prouentibus liberum sit capitulo memorato disponere, quod secundum deum et honestatem ecclesie sue viderit disponendum. Vt ergo hec, que supra scripta sunt, rata semper et inconuulsa